

兩朝從信錄

兩朝從信錄卷之九

秀水

沈國元述

十月癸未

朔享

太廟

上御殿頒曆

此論
事始明
聚訟可以
止矣

湖廣道徐卿伯奏畧曰臣以黔人而言黔事其情形豈不
熟悉其利害豈不關切即請餉之說舌數領奏以博計部
隨筆寫意水月鏡花之一復而又有倡爲苗可撫而不勦
之說者臣安得無說而處于此計苗之倡亂以至於今也

張公功在
社稷

非一日矣。遐思當賊勢初起時，使其發必擒，必誅，火之燼
原豈遽不可嚮遇，而今日復一盜，賞之花紅，與說誓，縱之保路，苗以撫愚我。我以撫自愚，卒
之郭子章不能撫者，遺之胡桂芳，胡桂芳之不能撫者，遺
之張佃，張佃之不能撫者，遺之張鶴鳴。至于鶴鳴盡翻前
局，始爲之蕩滌其荒穢，而收拾其殘者，往事之明効大驗。
亦可見於此矣。且夫原爲苗寇者，歸咎于馬戶店戶是矣。
有如劫詔使驚代巡，戕職官，戈攢道臣之輿，刃削同知
之指，而近日應試青衿，僕遭屠而手被刈也。是亦輜重阿
堵爲之四，而豈馬戶店戶發之縱乎？又如昔之樂舞嬰兒，

刀剗孕婦裸淫支解不一而足而上官堡一劫一燒絕
者數十家。隕生者千餘命。是獨非並生並育之倫而又豈
馬戶店戶之爲祟乎。其最可歎最可詫者尤在貴鎮遠施
秉以撫苗建敵臺以禦賊。夫鎮遠局山曲水孤懸一綫施
秉依山爲城結茅而處者幾百家耳。其環處皆苗也。則皆
賊也使苗不相安而苟存安能至今日。使苗終可化而悔
禍。又何以至今日。此亦足以明此輩之陽順而陰逆。無日
不撫而彼無日不劫。蓋不可講以正心誠意之學而施之
仁義道德之談。彼李一鳴吳江龍馬如錦牛可耕諸人皆
提一旅之師建專閫之節者而束手坐嘯不能制賊死命。

而以責之於無兵無餉之府縣。談何快乎。黔自見州驛至省城凡十所。每站六十里或九十里五十里。遠方道里視襄有千里之遙。此十站之路寸寸皆小節。皆賊可出沒之處。其路或緣山麓或陟山巔。峯回路轉數十步之內即不能以相顧。崇山峻嶺蔽日干霄。又非舉烽傳警可以即達。職不知敵臺建于何所。建敵臺欲何爲。異時黔不立有哨手。稍可以扼賊而爲賊眼中之丁者。必去之而後已。況乎哨兵不惟不能禦賊而且通賊。又安能保敵兵不化爲昔之哨兵也。誰爲此策。悞當事而併以悞黔臣事關桑梓。患切剝膚。故敢論及之。

法勝
十其候
勝于法
此二六
見臺省有
公

湖廣道馬鳴起上言臣聞

人君一身天之宗子蓋天以君爲元子則必當以天爲大
父母矣故所居之位曰天位所食之祿曰天祿宣于口者
曰天言垂于世者曰天則有所賞賚曰天恩有所儆斥曰
天罰必須頂天立地無私恩無私怒中正自持乃可以齊
家治國稱有子焉若人臣之事其君也戴之如天戀之如
父莫不欲其修茲凝承之重對越

祖宗之靈豈其激聒沾名良以分義莫逃感恩圖報情
自有不能已耳去歲

皇考賓天時

皇上孤危移宮未定大小臣工莫不飲泣含嗚憂惶靡措及祭登大寶莫不舉手加額共慶神民有主此見

聖孝繼述睿智夙成又莫不歡呼舞抃共喜奕葉重光今二年于茲矣古者十五而入大學謂其成人伊始亟宜修身齊家以爲治

國平天下之本日見

聖諭朕前有諭着擇於九月二十三日午時吉奉聖夫人客氏出去朕思客氏朝夕勤侍朕宮未離左右自出宮去訖午膳至晚通未進用暮夜至曉憶泣痛心不止安歇勿寧朕頭眩恍忽已後還着時常進內奉侍寬慰朕懷外廷

以天性至
情相感悟

不得煩激卿等傳示大小臣工知之特諭欽此臣捧讀未
畢驚惶無地凡可以調護

聖躬寬慰

聖懷者果其無傷于義外廷諸臣當何如將

順以貽

君父之安乃敢過爲激聒乎細思大義有殊不

然者客氏朝夕勤侍不過曲謹微勞孰與

皇考

聖母生身之大保姆外出憶泣痛心幾傷玉體之

和試思天地付畀之身

皇祖

皇考燕貽之重不知當如何珍攝至

諭諸臣不

得煩激是

皇上英明首出知此奮舉動未協輿情煩激所不免者蓋

在廷諸臣保護愛戴之私豈盡後于婦人即眷念乳哺之情在廷諸臣豈不諒

皇上如天之德但恩可冀也錫以一品之名號加以第宅廢其胤子例則不可謂不厚矣若謂在內無調護之人也則

中闈有主已叶坤維之貞兩宮順承共抱衾裯之好左右朝夕不可謂無人矣乃客氏者既出而復入已去而復留意不容割使經綸拂經喜怒垂量非所以令天下後世見也臣以爲不便有六

祖宗家法親王既長出封就國

皇太子冊立。便居東宮。家人父子之間。毫不假借。今乃介保姆。長居禁地。謂家法何不便者。一。庶民之家。禮法自持者。恒嚴閫域之戒。時肅內外之防。紫禁邃密。保姆何人。乃輒輕爲出入。非所以肅宮禁之防也不便者。二。貫魚承恩。小星誦德。美宜家者。方慕刑于之化。且女德難終。婦愛不極。怙寵邀恩之漸。可無履霜意外之虞。不便者。三。宮闈動定。原非外廷所能窺測。然弓影使生疑。鐘鼓時聞于外。近有權璫線索易通。涓涓不已。將成江河。不便者。四。今之出入外廷。以爲不可而爭之。

皇上以爲無傷而罪之。書之史冊。謂以一寵婦之故。繼逐

言官貽累

聖德不便者五。國體所關。內旨切責。閣臣不力主持。則貽說青史。主持不能得之。

皇上使天下後世謂

皇上視輔臣不及一保姆。輕朝廷而羞當世。不便者六。此固微臣欸欸之愚實。

皇上所宜熟思者也。再讀

聖諭。謂臣下逞臆沽名欺朕。幼冲。夫臣而敢欺。爲天下之大戮。諸臣莫敢自犯。至幼冲二字似非。

皇上所宜言者蓋

愚愛之大

皇上天縱神資。當此聖作物覩之時。精心講學。軫念邊疆。發帑無留滯之色。批荅有如流之美。即問道訪落。曷以加焉。況在宥以來。視漢昭辨上官之詐。又數年矣。奚可以幼冲自命。而罪臣下之敢欺也。伏祈

皇上以官闈爲重。以統天立極爲主。斷絕小恩。勿紐于喔咻嚅唳之言。採納羣議。勿任夫喜怒愛憎之私。將天地祖宗寔臨式之。豈特大小臣共沐高厚已哉。奉

聖旨。奉聖夫人客氏。遵

聖母孝和皇太后遺旨。保護朕躬。于外廷政事。有何干預。本內線索事樣。指何事件。是何主意。且前諭已明。馬鳴起

如何故不遵承。又來瀆擾。本當杖處。念輔臣具揭申救。姑從輕罰俸一年。再有這等的。定行重治。不饒。

吏科給事侯震陽上言。絲綸千古爲昭。寵愛一時宜斷。懇乞

聖明收回成命。以肅宮闈。以光

聖德。以釋羣疑。頃內閣傳奉

聖諭。前有諭着擇到九月二十六日午時吉奉聖夫人客

氏出

云

欽此。先是臣一入都門。無論縉紳士庶皆頌

皇上臨御精勤。問學敏練。內防嚴密。外惕邊疆。無一言一動。不協人心。稱中興令

上獨謂有奉聖夫人客氏者。挾阿保功。朝夕在側。恐笑惑聖聰。爲肘腋憂。臣謂掖廷嚴遠。口語易訛。

明聖當陽。幽邪立照。況奉有

明旨。不必鯁鯁過計爲也。旋有臺臣王心一以義裁恩一疏。

聖旨寬之。而不究臣亦欽仰。今月二十六日。果傳客氏午時出宮。臣于是舉手加額。私幸有期不謬。而縉紳士庶無不塗歌巷舞。頌

聖明者。不兩日間。突奉今

諭。職且懼且駭。謂此有所矯托。不出于

皇上耶。青天白日之下。斷斷無此理。謂皇上果迫于義。不容遲情。不忍割旋出之。而旋悔之。耶。臣又不敢信。

皇上固聰明英睿不世出之主也。臣甫入班行。僅于御門宣捷再覩。

天顏聆玉音。威嚴咫尺。自恨目不及遠。不敢逼視。而心知爲非常聖人。夫且以其身在宥天下。而不忍一保姆至。忌寢食。明告中外。有是理乎。使

皇上未離襁褓。則可。今年已出幼。外之則有疑丞輔弼。內之則

中宮叶琴瑟之述。兩宮稟小星之義。起居食息。調護維持。以節嗇精神。以漸磨令德。其何有于保姆而爲此戀戀耶。且

皇上一身。

天地神明所呵護之身也。

二祖十宗所付託之身也。詎一保姆得私其恩。

天地呵護之矣。

祖宗付託之矣。而首于即位之日。休以遼警。告以災傷。兵動九邊。餉窮四海。岌岌乎有宋人之懼者。又

天地

祖宗仁愛之過。借外憂以動我。

皇上者也。

皇上念及此。卽宵衣旰食。夙興夜寐。飭文武諸臣。矢心滅賊。以奠山河。尤恐不給。乃緣兒女子涕泣何爲。且

皇上不念邇者三喪並舉。

兩母后見背于誦詩舞勺之年。

先帝念載青宮。三旬紫極。倏忽崩殂。頃雖升祔禮成。寶城未築。有同霄路。臣旋繞其際。尤泣下沾衿。竊意

皇上九重之內。更有寤寐興哀。梧捲飲痛者。特外廷遼遠。無由得知。而不憶泣保姆之。諭使臣工見使衆庶聞使。

天下後世尤宛轉而揣摩也甚矣爲

聖德之累也禮曰內有慈母君命所使教子也曾公慈母死欲爲之練冠有司執奏乃止古之慈母職兼訓教尤思以義裁若是今之乳母可知也今天諸王公主至親貴矣朱邸旣開叩閣不易奈何獨使么麼里婦狎近

至尊哉憶臣昔制匄送喪之日萬姓角崩千官立擁獨一乘軒在後巍然衆中道路指目咸曰奉聖夫人客氏無不古橋眼張者又禮臣周道登語臣云

神主進德勝門一老嫗長跪路旁伏塵號慟驚問之錦衣臣駱師恭曰此

先帝保母恩寵未逮是以悲耳臣喟然興歎同此掖廷阿
乳之功適當後先繼述之際何厚與薄猶天與淵薄者使
行路尤憐厚者能不滿盈招忌女德無極高明不祥
皇上即爲客氏一身富貴計亦宜早加裁抑曲示保全不
宜格外隆恩以寵而益之毒且

皇上始而徘徊眷注稍遲其出猶可言也出而再入不可
言也時出時入尤萬萬不可言也何也宮闈禁近之地
詎宜習熟往來間巷穢褻之身何得輒混視聽況中涓群
小內外鈞連借叢煬灶有不忍言者往牒昭然足垂炯戒
王聖寵而煽江京李閏之奸趙婕寵而構曹節王甫之變

毒流縉紳禍貽

宗社良可寒心我

祖宗家法森嚴

皇上茂齡天縱萬萬無此乃忠臣憂君必防其漸又況風
聽臚傳種種疑議業已見端寧止萬一之慮而已哉不爾
得一姆氏淑慎周旋無損

聖德且安聖躬嘵嘵勿聽何爲者也竊體

皇上此心特出于小不忍不知人各有情獨

皇上不得自有其情者也試觀客氏之未出也舉國何以

皇皇然望其旣出也何以躍躍然喜出而復入也何以凜

凜然憂其故可思也。或未有以此情告之。

皇上者。苟知之。將一身私愛。不抑而自調矣。載誦論詞。禁外廷不得煩激是。

皇上先有不自安者。知諸臣必且叩關力爭。臣喜此心。即可以爲堯舜。臣若承旨緘默。是順

聖納

皇上小不忍之心。而不能充。

皇上爲堯舜之心。亦烏用諫官爲矣。故敢齋沐上請。伏乞皇上忻然轉圜。立收成諭。其客氏或優以金帛。或歲時問勞。示毋忌簪輟。再不令出入大內。近宸嚴。至于內侍人員。亦須有辨。彼老成正直者。大抵不善爲逢者也。但

頌

皇上勿喜謏而惡規，勿倏任而倏錮，勿旋罪而旋賞，使展轉猜疑，愈開旁隙，則情法自肅。城社自清。孔子曰：唯女子與小人為難養也。敢因是而併及之。臣不勝仰祈之至。

遼東獻俘

奴酋倡逆而倭，養真等佐之，明棄我之冠裳，甘為賊之肺腑，近借數將，分守鎮江，吾欲雪耻除兇，計須扼吭拊背，茲者天心厭亂，兵事出奇，毛文龍一奮而倭酋與等成擒，提兵二百人，持長鯨于海上，聞聞數千里，獻俘虜于闕前，向聞奏捷，日日盼入，國門之期，今見繫囚，人人喜笑，逆賊之內，風風山之腥，虺風掃三岔河之戰，土色飛，遼左與師此為吐，氣賊奴授首，此為先聲。

吏科倪思輝朱欽相疏論客氏奉

讀之氣者
袖拂

聖旨朕今早覽文書內倪思輝朱欽相論奉聖夫人客氏
有何干預指比宋廢前有諭旨明白又來激聒顯是逞臆
沽名欺朕勿冲本當重處姑從輕俱降三級調外任用如
有再來奏擾的重治不饒吏部尚書周嘉謨等公疏侍郎
王德完科臣李遇知道臣王遠宜各上疏申救不聽

江西道王心一忠言可未疏曰臣嘗讀漢史至文帝有所
幸慎夫人與皇后同席坐中郎將表益引却慎夫人坐帝
怒慎夫人亦怒及益以尊卑有序對帝悅以語慎夫人爲
賞五十金夫妃匹之際官禁之嚴益以小臣慙直乃爾文
帝不惟容之而且賞之夫亦謂其心主于愛君原非有他

不如是則人主之過失無由上聞也況我

皇上擅天縱之聖具堯舜之資何有干渎文近者科原朱
欽相倪思輝疏論奉聖夫人客氏其心不過以

聖明之諭旨不可不信

祖宗之家法不可不守官禁之階閣不可不肅蓋璧

皇上爲堯爲舜以成清明之朝廷而已尚不如漢臣犯妃
匹之嫌有却坐之愆也不意有干

聖怒罪以沽名遽加降調臣等已有公疏申救諒

聖心自能轉圜臣似可無言但臣復思言者一說苦心積

愆不透徹于

聖明

聖上之心

聖主有納諫之資。佞臣進拒諫之計。則言者危。而天下亦與俱危。臣是以復不能已于言也。臣嘗譬言官之有言。猶醫者之用藥。醫者以藥治人。有如其人曰。爾何活我。而以藥苦我。則良醫必走。而其人之病危矣。然而世必無此人者。以知良藥苦口。利于病也。夫言官亦何名之有。言者多適以表我之能。虛言者直適以表我之能。容頌大舜者曰。舍已從人。頌成湯者曰。改過不吝。蓋惟此顯名。皇上能有之。

皇上不有。而以其名予臣。于是世始將擯而稱之曰。此

切中

皇上之逐臣曾以諫諍蒙譴者也。而言官之心於是愈苦矣。臣又伏思

明旨謂內廷之事與外廷有何干預。臣每反覆斯

旨。以謂非宜。何也。今日之患正在官府不能爲一體。中外不及爲同心。彼牽此制。事事牴牾。甲可乙否。人人異指。故疆場日危。一日政事日壞。一日民生日蹙。一日

皇上亟宜通其血脈。使天下臣工皆視

皇上之事。如其家事件件照管。事事呼應。何憂天下之不

治。昔唐高宗欲立武氏爲后。群臣苦諫。李勣獨言此陛下

家事。何必更問外人。遂至流禍唐室。大抵佞臣之言。往往

第一義

類此不知王者以天下爲家。一家事莫非天下事。彼兩科臣者。憂深慮遠。其言不無過激。然正其家事。視國忠於皇上之職分也。且人臣事

君。如子事父。豈不知從諛可以取愷。矯拂易于獲戾。但事有順則相害。逆則相成者。不得已而寧逆毋順。以櫻君父之鱗。孔子曰。忠焉能勿誨乎。此二臣之謂也。伏惟

皇上諒其朴誠。俾還原官。行其所言。今後凡有奏章。更新祈皇上。于披覽之時。留意三思。務使苦口之詞。一一不碍

聖心。咸受之量。如此。則君臣同體。天下幸甚。臣草疏方畢。見臣同官馬鳴起。繼述爲大一疏。已荷

聖恩曲賜優容乃知

皇上爲不世出之

主舍已從人未嘗不可爲大舜改過不吝未嘗不可爲成湯亦在力行之而已奉

聖旨嚴諭不許瀆擾王心一如何又來激聒且本內引用前代故事悖謬不倫好生狂妄本當重處姑從輕降三級調外任用該部知道

原任大學士葉向高奏曰臣以途次患病并黔捷蒙恩兩疏控辭再奉

溫綸促臣速行諭臣領受臣衰朽殘生仰戴高厚感恩之

私何可云踰。自臣發疏後復苦瘡疾幾至狼狽力疾前行已渡河西比近

闕廷餘息尚存自當匍匐扶携一望

天顏祇謁

二陵少紓哀慕然後躬陳危困之下衷仰祈

天恩之允放庶于君臣之義可以兩全而亦不負臣之此行矣惟是加恩隆典萬難祇承竊窺

聖意豈以兩次登極曠蕩之恩及于齊天而欲假此以施及于臣乎不知臣山居自久于

皇考 皇上實未嘗有尺寸之勞況于黔事更無干涉無

方辭於
亦烈可
新位

功之賞。古人所恥。韓昭侯不肯以敝袴與人。臣何人。濫斯重賞。頃兵部差官賞來金幣。臣亦斷不敢受。即令賞回。伏望

皇上亟收成命。使臣得安心趨。孰不必再疏以瀆

宸聽。其蒙恩乃更大矣。臣又從邸報見毛文龍收復鎮江。人情踴躍。而或者恐其寡弱難支。輕舉妄欺。此亦老成之長慮。但用兵之道。貴在出奇。班超以三十六人而定西域。耿恭以百人而定疏勒。皆奇功也。遼陽之失。似亦在知正而不知奇。故糜爛決裂。一至于此。臣所過地方。見其士民談募兵之苦。疾首痛心。而所募之兵。又多逃亡。替代羸弱。

足見光成
定識深虛

不堪徒費金錢無益于用沿途騷擾更不可言乃目前事
勢又不得不募海內民力已竭而驕兵悍卒乘此瑕釁狎
于法紀陵夷喧囂三尺不得問奸民聞風相率繼起似皆
視遼陽之成敗以爲順逆今幸有毛文龍此舉稍得兵家
用奇用寡之法臣雖不知其成功否然爲今日計惟當廣
爲○救○援○之○策○以○固○人○心○而○毋○過○爲○危○懼○之○談○以○張○虜○勢○即
使○鎮○江○難○守○亦○不○必○尤○其○失○策○使○將○無○復○敢○出○一○奇○以○破
賊也若樞府經畧督撫諸臣皆極一時之選必能同心戮
力毋尼成毋苟掣其滅奴酋雪此大耻消中外之隱憂此
實○普○天○臣○民○所○共○想○望○臣○一○路○逢○士○大○夫○其○言○無○不○如○此

臣本書生、不知軍旅、又身來受事、不宜多言、但杞憂心切、而途中所見情形、與所聞議論、欲亟聞于

君父、故敢忘其頃聒之罪而述之、以備

聖明採擇、亦不敢自謂其有當耳、

兵科給事蔡思充等上言、遼瀋繼陷以來、最危最急、無如廣寧、所恃盈盈一水、略限華夷、經臣三方布置、居中調度、外遏奴氣、于方張內鞏、

陵京于不拔、大都無事、則經撫共甘苦、國廟勝于萬全、有事則經撫共死生、保殘彊于一綫、緩則俱緩、急則俱急、經臣一腔熱血、揀洒榆關、早已籌之熟矣、本月十二日接撫

御德基曾
讀用江表
今反爲叔
先着鞭恨
哉

南齊書

卷之九

六

臣一揭謂奴調魚皮達子萬餘鉄山西即攻廣寧、撫臣力
請關上發兵以壯聲勢、業于初八日盡遣、而關上無一兵
矣、夫廣寧山海分論之、一則殲飲河之鯨鯢、一則據當關
之虎豹、合論之、一則衝風冒浪爲關上前茅、一則控險扼
要爲危邊後勁、假使廣寧蕞爾兩軍對壘、兵家梳變在于
呼吸、而廣寧以裡、雄關巨鎮、無將無兵、將

中朝之神氣不揚、而司馬之體統不尊、今水寒河凍、奴且
晚窺伺、計經臣振威耀武、行將與撫臣戮力、岔河之干、而
宣大等邊鎮各征調數千、亟宜遣官督催、山海聽經臣發
縱指示、庶軍前充實、折衝禦侮、不至爲攘臂徒搏耳、從廣

惟吳出關

修門

修門

補給安案

寧而西，寧前衛孔道咽喉，遙接廣寧，聲息相通，輔車相依，必擇宿將提健兵數千，庶道臣策應不至掣肘，而廣寧大勢亦不至孑然孤立，是亦急着也。從山海而西，薊門一鎮，密邇輦轂，督臣所建三營，該兵三萬六千，酌量緩急，即不能如所請原數而行，邊司馬亦宜厚集重兵，或正用堵截，或出奇追襲，或督發關外，獨當一隊，或潛出一片石、桃林、喜峯等處，宜揚先聲，此皆當事大臣早爲綢繆，同心共濟，補緝罅漏，每叫難叫苦，徒費空言，無益也。至川兵二萬八千，陸續在道，將至畿南，是時爭先赴後，勇力可資，而每名尚欠銀六兩，亟動新餉，按名補給，若儲蓄不足，當亟行。

撰積口粮

設處隨到隨發勿使臨渴而掘井倘

賽賞川兵

皇上軫念奴警以來川兵千里跋涉効死堪憐特發帑金鼓舞而振勵之則又在

宸嚴一念間而收膠挾纘頌聲載道有不出死力制奴死

川兵將領

命者職不信也若統川兵川將不可不擇則又在職方早

本朝天子

爲之計毋輕付純樸可矣今當事據調募之數以言兵則

衆所難

覺兵多而職等據開報之實以計兵則尤覺兵少無論其

者如計

他即登撫所望江淮一萬之額情急服穿尤寂無音耗該

錢不爲

部獨不可嚴催乎如大兵雲集折色難本色尤難江南郡

是

縣沿河一帶米價不甚湧貴伏乞

勅下戶部令各有司量動積穀銀兩召買米豆每石貼脚
價若干付糧船運至天津海口聽餉臣斟酌達近淮輪則
軍無菜色可冀投超馬無倒換可冀騰襲共武之服以奏
全功旦夕俟之而職尤願當事諸臣無事爲有事之防毋
有事紐無事之態以至臨時束手徒付之無可柰何也
兵部尚書張鶴鳴奏曰經畧熊廷弼揭稱臣與經臣書述
聖上日講畢留閣下在文華殿問佟卜年劉國縉胡嘉棟
等因蓋先是臣值

皇上臨朝後在文華殿下同九卿公揖閣臣閣臣劉一燝
向吏部尚書周嘉謨等商說

皇上下問佟卜年等事，由從傍與聞，深仰服我。

皇上明見萬里，慮周九垓，雖古聖帝明王，何以加諸。然佟卜年等皆經畧熊廷弼所舉用，藉以共滅奴者也。萬一佟卜年等不知。

皇上注意若輩也。悠悠忽忽，不竭心力，不受艱苦，不矢志滅賊，至于債事，則經臣之罪也。臣與經臣肝腸一心，利害同體，經臣之罪亦臣之罪也。故星夜致書經臣，使諭佟卜年等卧薪嘗膽，賊滅則朝天有日。賊在則歸國無期。此天理國法之一定而不可易者。乃經臣惶懼具奏，以臣書爲証，極辨佟卜年非奴一族。胡嘉棟劉國縉之賢能而深懼。

爲人嫌棄其心原苦而其情有大不得已者矣何也經臣
之薦終卜年者取其人有才且遼之巨室易以招撫遼人
故也臣從南來過河間卜年謁臣見其英偉不凡談遼事
詳確臣心重之詢之河間士民極感其善政極服其敏才
且辨其非奴同姓奴虜也虜皆有名無姓士民之說近是
臣亦默計此人可用至胡嘉棟臣鄉人也高才沉識丹心
耿耿可對天日臣素重之劉國晉原任推官臣過衛輝府
曾邂逅一談慷慨任事勁節稜稜高出臣不識其人但聞
少有不羈之名久著文章之譽此三人者經臣與之共事
遼陽共同甘苦同運籌畫深信其心而久試其才以爲惟

此三人可與其功。即廉頗曰：我思用趙人之意也。一點苦心爲國，非爲私也。經臣疏云：將佟卜年仍舊同知安置。劉國晉仍舊贊畫待罪。胡嘉棟革任聽勘議罪。噫！言何容易也。

皇上旣寬諸臣之罪，又授諸臣之官，無非爲遼事也。今遼事未有一分結局，而一旦廢置之，不但灰任事之心，而倏罪倏寬，倏用倏罷，如兒戲然，大非銓衡之法。有損

朝廷之體。臣愚以爲佟卜年與奴同姓不同族，臣知之不真，不敢妄定。臣昨審解到佟養真云：佟卜年之曾祖，即養真之祖也。則與逆賊佟養性近族何疑？王導曰：亂臣賊子

修下年送
家眷居楚
中亦自明
此心之無
二也

何代無之不意近出臣族卜年亦不幸而生修大家也言
官既言、

皇上既疑何必用之于遼卜年拔龍附鳳叨一甲第豈有
通逆之理以形跡可疑而遽棄一有用才能之士耶

皇上亦不忍也臣以爲宜置之雲貴廣西使展其所施以
報

聖恩卜年有不痛切勉勵以報者非人矣臣曾與經臣言
胡嘉棟非置廣寧則何以立功贖罪經臣曰業已定矣今
已趨廣寧任事宜與劉國晉照新職銜策勵供職則此一
番公案上以釋

了許多
藤

皇上宵旰之疑。下以平言官之口。而經臣一片苦心。亦得以昭白于

宸聰。如此則經臣益感慈母不投杼之恩。諸臣亦殫心効力于廣寧。而奴賊不難滅矣。如諸臣不解事。又告病乞歸。則無忠無恥不肖之心也。不但臺省諸臣有白簡隨其後。臣亦得以請司寇正之法矣。伏惟

聖鑒

各王府及省直文武各官進慶賀

萬壽聖節表文

一應儀儀俱照萬曆元年例行進表官十月二十七日進城二十九日見朝十一月廿六日辭朝

大逆佟養真伏誅

佟養真三名、凌遲、四國、用四名處斬、所與已故明特賓、梟首、併示遼東、前案劉子嵩、并決、

論遼事疏
何止千封
萬曆如此
斬截痛快
寧可多得
一字不虛
妄

遼東巡按方震孺奏曰、用兵之法、千言萬語、總不越賞不踰時、罰不踰刻八字。夫賞罰既明且白矣、而又不踰時不踰刻、如是其迅且速也、而後可以鼓豪傑之壯志、懷庸蠢之懦腸耳。自有遼事以來、從不曾見堂堂正正做得一事。從不曾見斬斬截截殺得一人。人皆知進者之必死、而逃者之必生。彼亦何苦又欲尋死乎。開鉄既陷、且立功于遼瀋。遼瀋既陷、且立功于廣寧。廣寧既陷、且立功于山海。山海既陷、又想立功于都城。恐

皇上金甌無缺之天下。不。是。以。當。罪。弁。幾。次。立。功。幾。次。戴。罪。也。今。河。西。兵。將。見。河。冰。不。開。夷。情。緊。急。口。口。事。事。只。說。守。不。得。人。人。備。馬。一。匹。思。賊。來。先。走。而。又。愁。爲。經。臣。把。住。關。門。不。放。乃。有。差。人。看。一。片。石。者。有。人。看。菊。花。鳥。者。臣。密。察。之。情。狀。甚。真。而。諸。監。軍。亦。數。向。爲。臣。言。也。連。日。廣。寧。城。中。富。家。大。戶。盡。數。西。奔。正。在。危。急。時。提。督。又。偶。中。風。卧。床。不。起。一。切。兵。馬。漫。無。頭。緒。竟。不。知。精。兵。若。干。羸。卒。幾。許。亦。不。知。誰。爲。戰。誰。爲。守。誰。爲。正。誰。爲。奇。也。臣。不。得。已。只。得。暫。住。沙。嶺。而。時。往。來。于。河。張。文。站。之。冲。圍。而。逐。路。挑。選。健。丁。沙。汰。殘。卒。有。驛。丞。典。史。之。不。屑。爲。者。而。臣。日。從。事。焉。奄。奄。

聖裁

非昇情激
台此更無
別耳

病軀一生九死夫何能爲亦聊以固軍志而安民心耳臣
看河上如平地彼之奸旣不可盡防而我之數卒量亦所
難照只得苦求撫臣破格代提督部署兵馬今准撫臣手
本兵馬已有着落東奏西那撫臣千難萬難惟是廣寧兵
馬單弱臣深以爲憂今再無別策關內提兵旣唇焦舌敝
不敢再言惟有揀見在兵馬背城一死戰而已仰祈

皇上速下一嚴勅星夜飛至河西要見此番大將偏裨不
拚命與賊廝殺若再望風先走各照信地各照職掌必殺
無赦將從前之玩習一筆盡勾而廣寧塔山地方係寧前
副使張應吾管轄亦宜宿兵二枝端殺進軍進將使三軍

可爲經國
救時名疏
亦可爲明
倫蓋性快
書古人已
往可勝涕
泗

不忘君

不忘師

之歸路絕而生路可將望也。臣不勝痛哭待命之至。

刑部右侍郎鄒元標再陳愚悃疏曰：臣頃以乞歸陳情，蒙
陛下期臣以體國。論臣不必以去爲高，臣且感且驚。夫人
莫不榮仕進，謂能遺榮者，非人情也。欺也。仕進爭言恬淡，
居九列，言恬淡者，是忘

君恩也。欺也。欺臣死不敢臣。蓋有隱衷焉。臣弱冠，故爲刑
部侍郎。朱鴻謨取士，鴻謨最奇臣。期迥隻千古。臣官其官，
不禁羹牆之思。前丙子丁丑間，以言事譴者，臣里則御史
傅應禎，劉召賢，楚則吳中行，趙用賢，艾穆，沈思孝，銓曹同
官則孟化鯉，顧憲成，鄒觀光，王教，俱久歸泉下。獨臣以未

死之身。頓起立。朝。每憶昔游。不勝琴亡之戚。臣獨何心。
久玷斑行。幽明一理。無論人抑掄矣。臣聞仕在遇合。貴乘
時也。恭遇

聖明登極。公卿師師。千載一時。何忍言去。顧人臣事君。有
致身以爲忠者。亦有知可而退以爲忠者。揔之期於不負
君。臣有欲死之心。而力已衰殘矣。夫人從仕。如人飲河。各
完其量。量稍溢。則中潰。如人適路。各用其力。力稍盡。則竭
蹙。此臣所以日久九回。不得不乞恩
皇上也。

皇上如天之恩。于臣足矣。無可加矣。臣不知足。生平犬馬。

論遼事

之志與官同盡與老俱窮矣臣如厲鬼神鑒之

陛下朝講無間事事法古行將追三邁五惟是遼事岌岌知厯

聖懷朝僉議以經撫二臣未盡和衷爲憂臣謂彼兩臣不求同者乃所以求同也業已受

皇上重托彼必思萬年一誤豈可再誤爵祿如寄性命爲重性命爲輕山河爲重仰何以副

陛下寵靈俯何以答士民翹望必有完局以報

陛下惟是中朝議論愈禁則彼之神情不固三軍之觀望不肅聽彼握筭無得遙制此臣之愚見也以臣初悃寄物

藥石之言
沁入肌膚

純無私愛
樂善好施
善成之心

於人可得失。得失之旋得之終非易事。

皇上業以全遼付王象乾矣。諸峯路遠虜可入者。象乾責也。此不必憂。獨廣寧一處。僉謂危若累卵。然王化貞能自三月撐持至今。豈其今日垂成而有餒志者。昔兵未至。今兵有十三萬矣。川兵行將至矣。廣寧一有微倣。山海豈能坐視。提兵互援。相機取勝。正二臣事。二臣不和。不得矣。

中朝僉議兵四十萬。每年資餉一千二百萬。正賦不過三千七百萬。此八百萬向將何處。人人欲言減兵。多關口旁觀私議。經撫二臣亦當思所以爲天下蒼生計矣。今動輒言無將。臣謂天生一世之人。足了一時事。各邊臣罷閑諸

可悲

論官

將赦過宥罪在人策勵之耳。憶臣癸未備官板垣時。偕同官曾起邊才數十人。後顧養謙田樂萬世德王一鶚葉夢熊。皆効力疆場。今宜令臺省諸臣各舉所知。另立一簿。如將才之類。若輩既登籍。自爾留心韜鈴。不患無副儼非常之士至矣。若復悠悠蕩蕩。少者壯壯者老老者盡。一旦有警。拊髀而思。盱衡而談。亦無及矣。此最今日第一義。諸臣勿以緩圖之。頃。

皇上以客氏故。謾言官數人。言官未知。

陛下意。故今妄有陳乞。以臣愚見。

陛下必有以處此。久不留客氏矣。諸臣蓋幼讀唯女子與。

小人爲難。答語又讀宋儒狎恩恃愛等訓。膠固胸中。以俾恩必怙。寵恃愛必借。寵不知。

陛下成命獨握。誰不信之。

陛下不令之借。必有陰借。客氏不知者。此書生之管見也。又以

陛下未期年。數處言官爲憂。臣謂

陛下如天如日。天無所不覆。日無所不照。諸臣榮枯進退。在一反掌間耳。姑乞遠引。

神宗幼年。于言事臣始未嘗不怒。如趙參魯環諸臣。同一言事也。而輕重異處。似於法不洽乎。臣法官也。例當執法。

近日事引
証得明

退已而逃
人既已前
揚人君子
聲德

聖相臣

以寬馬鳴起張捷例寬朱欽相倪思輝王心一三人則法
平矣不然蕭玉霜霞岐路怜愕江介憔悴行道傷悲諸臣
自悲更有爲朝臣悲者

陛下與其使臣等今日纔入朝受寵鐘鳴漏盡之請不
若使諸臣在朝舒鳳鳴九臯之音臣老且盡矣無能爲
矣所望收回成命主德愈茂相道愈光書之史冊作天
啟元年盛事臣乞歸之身思後梁竒故不勝惓惓雖然臣
等顯言不足諸相臣密轉之有餘都俞吁咈責難陳善正
相臣今日事一日萬年相臣勉之臣極目望之
禁闕曠時有奸徒陳有繼等借議餉倡言採礦

上曰前者戶部言榷稅朕不忍小民重苦今有繼又以開

礦啟衆命嚴訊之

何選孤忠

誠遠留侯

孫大關要

萬曆庚寅

國本未定建言者非遭斥逐則疏報留中

公于時曾具草

姪姪千言因所忌諱已而思之曰此其

事未可以口舌爭

官間無轉移之概即

聖天子欲從公議而肘腋間從中撓之無濟也于是以

正論議鄭成晚令其迫切陳情以生死利害訴之

貴

紀未轉移於內意謂

貴妃縱不計

宗社豈不念身

家誠念身家而

宗社大計可指顧定而戚晚初不應

公言之愈厲曰安危在此一舉耳不以性命感動多方

得請吾儕且羣及之耳

無噍類矣戚晚懼乃以情

請

貴妃復有疏請早定以釋危疑疏上

神宗震怒治其罪因問主使者禍將不測也彼時雖未

出公名而

神宗

貴妃固已知之矣未幾因僉升孫公輩而降謫

之

貴從中出矣是公之得罪在汲引正人其所以得

之

神宗

貴從中出矣是公之得罪在汲引正人其所以得

之

貴從中出矣是公之得罪在汲引正人其所以得

之

貴從中出矣是公之得罪在汲引正人其所以得

之

貴從中出矣是公之得罪在汲引正人其所以得

丁然

高

夏高

盛舉

諸溫習經

義之由存默扶國本也。不然一策降請再蒙前簡。公之受罰更甚于孫公輩其故可知也。夫延許顯諫。雖以昭天下之公議者。精忠固揭于日月乃公憂國苦心直欲哩窩轉移以定大計身冒履虎之險則其平尤難此其孤忠自許豈不可以質天地而泣鬼神。使幸而濟雖四皓羽翼之功何多讓焉而公紀口不道。後之人不知則當時亦鮮知之而鄉之老成則有能道其詳者。時正舉開函之典故大學朱公國昨等公揭表明之。

大學士葉向高揭請溫習講過經書。

上曰覽卿等奏具見輔弼忠敬之意。今天氣漸寒。請讀着于明春擇吉舉行。

上諭兵部遼左調援川湖等兵啓行在途計程次第將抵近郊朕念各邊赴義從征跋涉勞苦時當寒沍倍軫朕懷。

四川總督
張之洞

特發帑金 百萬兩。爾部酌量道里遠近。派定數目。便差
的當官。同本處地方官。唱名給發。統領將民一并加賞。仍
諭鼓舞約束。作速前行。到彼其經撫官。獎賞攸叙。稱朕體
念優恤至意。特諭。

上諭戶兵二部。頃因逆酋構禍。四川土兵內變。深軫朕懷。
爾每屢稱兵餉缺乏。請發內帑。朕念內帑所發已多。全無
實用。且兵餉分毫難省。而動稱有兵無餉。是何緣故。經撫
各官。不思核兵核餉。設法討賊。但告苦訴窮。推罪卸擔。甚
孤 朝廷委任之意。今後都着用心料理。戰守諸務。毋致
疎虞。其道將等官。但有推避退縮。三尺具存。不必輕議發

於禁二百萬兩為東西兵餉等用

出帑金二百萬為東西兵餉各項等用爾每還酌量緩急樽節通融不得仍前冒破其所用之數先行奏聞以後不得再行奏瀆故諭

經畧熊廷弼奏曰頃見兵部河西動搖萬分危急一疏欲

要臣兵出關督臣提兵赴關鎮定人心而且引郭子儀即

日就道之事為臣勸駕其望臣果厚臣既受茲任出關入起念共當損此形迹

關自當聽樞臣之所使惟是初推經畧時臺省紛紛言廣

寧事已成功已就宜專任巡撫不宜設經畧以撓其權一

似多此經畧者及鎮江事出而誇謗更甚即報捷獻俘不

會稿不送揭又似無此經畧者乃奇捷甫聞而危形立見

却要經畧出關。假使如臺省議。我去經畧不知今日出關。又當屬誰。何向者疑忌之深。而今相倚之重也。初議三方布置。本圖登津山海。兵師甲仗砲車。繼芻糗一切齊備。然後出關與廣寧共進。今天津兵餉全未區處。登萊雖議處。又以道臣之垣。多求兵餉。撫臣陶朗先塘報宣傳。觸樞臣而動與爲難。此二方已屬盡餅。而臣又以處通州逃兵事。遽忤樞臣意。事事牴牾。兩三月來。樞臣意典所發揚。神情所注向。獨廣寧一方耳。迨主進進不成。決機機不就。以至事急而始曰。東方事事專責經臣。又何向者鄙夷之而今相需之殷也。臣到關僅八日。即馳至廣寧而返。月有六日。復

到永平撫寧計住關實止四十二日耳

明旨謂經撫鎮道等官料理之已久如何全無次第職料理未久也

聖諭于鎮江捷至時已謂調度漸有次第而今又全無次第者前此之次第乃部科道鋪張以悞

皇上者之言而今日之無次第則臣張皇實告之言非議臣無次第也樞臣言用兵者全要主張此一語最屬緊關臣以無主張何以使

朝廷今日得知動搖萬分危急狀臣故實不得而主張也議三方而與討兵餉輒生氣議調近兵一萬八千止允五

千而置臣疏不覆事事類此主張在樞臣不在經畧也分
布挑練城守糧軍車牛諸務無不早咨檄早商量而從違
遲速主張又在撫臣不在經畧也內外皆主張不得而獨
以出關一事要臣主張樞臣之所責于經畧者亦微矣初
臺臣蘇琰疏出臣已逆知樞臣別無調度惟想驅臣出關
一着是以臣有如議撫臣住河上經畧住廣寧之疏而毅
然請行以自任蓋無事則嫉臣妬臣害臣凡臣所建之議
定要說壞所用之人定要罵壞所調攝之苦懷定要疑及
至事體弄壞又要臣去整壞而且代其壞之之任此自今
日安排常套臣飽嘗之而亟亟認承不待樞臣使也臣一

出樞臣之能事畢矣。惟是經畧一出。觀望非輕。凡有兵無兵。兵多兵少。西虜視以爲輕重。東賊視以爲進退。兵將視以爲奮怯。人民視以爲去留。樞臣第知經畧一出。足以鎮定人心。而不知無一兵之經畧。出更足搖動人心也。前留援兵三千。今盡已出關而東矣。此外無一卒一騎一械之隨。不知郭子儀以天下兵馬都元帥。即日就道。是此光景。不原調近兵。承許五千。調踰月餘。尚無一至。今怱怱加調。到于何日。川楚浙兵。雖報起程。而萬里徒步。到亦不能遽戰。況到尚無日。不知樞臣與臣何項兵馬統領出關。又不。知臣住廣寧。撫臣應住何地。伏乞 聖勅兵部作速議處。

而無使擔天下安危之重臣徒手出門爲賊虜所笑凡樞臣厚望于臣臣旣聞命矣而職于樞臣亦不能無厚望焉常時在遼督撫一聽本兵調度此固居中馭外之體今旣以東方事專責經畧便當一一應承經畧若拏定本兵腔調或與或不與或依或不依以示中樞別有主張則中制之敗道也其望一作本兵者宜心公氣平好與人作商量何必于廣寧登萊分左右至與經畧尤當不時書啟往來商確豈可屢屢致書議事遲久不答豈樞臣只宜責經撫同心協力而樞與經不宜同心協力乎其望二本兵于邊外道里方向有所不知者不宜以己意懸斷樞臣答書論

鎮江事。謂此當發兵一萬由海至鎮江。二萬出海州斷奴
兵歸路。而以四萬弱卒住河山。乘亂攻之。自可得志。乃遑
撫無一疏。臣又無一疏。所以據書上奏。恐失機會。而不知
鎮江在何處。廣寧在何處。自廣寧由海至鎮江。不知從何
處。殊不知奴往鎮江。不由海州。而海州非其歸路也。諸如
此類。應問經畧。問明白而後上疏。方無差悞。其望三。今日
與人言易。言省。言進。則欣然喜。言難。言費。言守。則艱然怒。
此害事之最大者。而至于報功一節。尤不宜扶同諛張。噉
人點破。以爲打成一片。相率而欺者。至于高出之揭。雖犯
時忌。正欲打破扶同諛張之原使。

楊公胸中
有數萬甲
兵

朝廷上得外邊真情而頓專責之不已何也其望四樞臣
誠能將此四望細細體貼以俯同于臣則職于出關之後
始得自繇而爲

皇上專任東方事此封疆之幸

祖宗之幸亦臣愚之幸也

登萊監軍道楊述程請往募川中將士

述程與撫臣議曰本職久宦邊陲以諸虜態生長西蜀
備知川兵如永寧宣撫奢寅其屬則有樊龍何祿符國
禎皆千人之敵其兵可募萬人也如石柱宣慰馬祥麟
其屬則有陳思宇尚時皆千人之敵其兵可募五千也
如施州宣慰覃永化其屬覃之餘覃文化皆百夫之傑
其兵可募三千也如羅網堪二十四堡其長覃大季黃
懷劉登榮等皆慣戰之將其兵可得千人也以至程塘
衛如方武重之爲臬將中州所劉國柱之爲英勇其兵

可千人也。蓋川之兵，地險途隘，兵不用馬，又不懼危，是故其兵不練而成，不求而得，不約而親，不令而行。此川楚土漢之兵，常勝于西北介馬之兵也。自述程爲諸生時，見聘于蜀撫李化龍，播州之後，親過羌蜀土司，頗相認識。今願以冬杪餘日，親至蜀口，楚江招募土漢之兵，計得一二萬人，必極精極勇者，以備登萊前茅之用。餘以各省新招者佐之，有此敢死之士，當前批處，餘兵接濟，揚虛政恃以牽制廣寧，方爲着寒，儼獨此也。登萊所缺者，船隻器械，萬不支用。職抵川湖招募，則路必出荆州，可即于荊州打造船隻，凡綿甲腦包弓矢鎗箭，職主之。再撥一府佐相助，皆可刻期而成。隨水而至者，也。蓋募兵近在楚蜀，職之兄述中，見爲鄭陽撫臣，相與圖畫，則招征必速，而廣帶錢糧不足，皆可那借以代補還。且職兄素能以威信服四省之韓兵，而荆襄村料充斥之地，藉其指揮，則所造器物必且事半功倍。至于募兵錢糧，則登萊見有兵部發到十萬兩，即于中先動三萬兩，餘俟多方陸續運發，務數招兵二萬之用，而二萬之兵即于部撥原額五萬數內扣算。其月餉亦于戶部原額數內支銷，殆非增兵以靡餉也。倘若前言處所各鎮已先征及，則更有建武邊縣太平長官，覲口六糧于浪土。

司平州下司其主將英傑皆可一推而至之。構而求之。不
患無兵者。于是登撫陶朗先上疏言。臣先有疏。欲于原
調川兵數內。截撥登萊。而科臣蔡思充以廣寧待用川
兵甚急。不能分濟。則舍道臣往募之一途。更無處法矣。
夫兵在額內。餉無外增。似不必再瀆
天聽。惟是道臣有境外之行。且截撥有下部之
命。而職不能待。覆爲之。然有不得不
上聞者矣。

十一月

日

冬至祀天。遣國公張惟賢代。

上御殿。群臣朝賀。

王三善巡撫貴州。○贈故輔朱賡。沈一貫。太僕。各廕一子。○給遼東賞功銀。

兵科請催職方何棟如督募兵出關。

協理戎政李宗延奏曰。日者南戶部尚書汪應蛟。差原任守備李繼祥等。送戰車四輛至臣寓所。見其竹木堅緻。釘絆嚴密。銃孔周備。弩箭鋒利。詢之則曰。尚在南部。乍聞遼信。捐俸製造戰車二百輛。復因北轉。止帶做成四輛前送。

京川化爲
有用只在
任事者一
轉念耳

苦心苦口

京營依式製造臣擊轅歎曰陪京計部猶然遠慮特貽兵車而況工部乎況京營乎照得遼東經畧熊廷弼留下廣寧堪戰馬匹太倉例應停止草料管軍既無馬豈敢冒支今車止四輛不免爲一杯之水該部補造尚止渴之梅若將前項應支空月餘餽馬額銀全數給與京營聽臣會同各營經管員役前去太倉分領過營以便責成造辦戰車有裨實用噫臣爲工部之不應故干澤于戶曹也爲人事之無補故望恩于芻牧也展轉于寤寐乞憐于司農而爲此不得已持鉢之計也伏乞

聖明勅下戶部速議支給完日仍請戶部親驗收貯

五經博士曾承業孟承光慶賀見

朝

俱曾子孟子
六十二代孫

四川藩司王世仁揭請湖兵

要如此立
心
忠公有識
之言後來
畢竟從此
看

新陞四川右叅政王世仁謹揭職承乏前官乃拜
命之日即地方告變之日且將奉 勅前往相機撫勦
是以蚤負山以蠶測海也然命之矣敢不矢心竭蹶期
滅此而後朝食第賊勢日熾匹馬投荒不無肘腋之慮
幾欲稍請兵懼多滋費計惟湖州一杖見在 京師固
昔日所稱君子之流亞也無安家之費加商之請如于
新帑給以行粮便干舊額銷其月廩是地方稍得多士
而 國家不費一錢于理甚長于計甚便若相公處
濟 國家之急豈分內外之見代乞當道照題督行小
臣幸甚至于在途川兵其幾難強歸之當得一臂之力
來之恐生一路之援又
廟堂之當斟酌者也謹揭

起南都水司添注郎中岳元聲

十四日

萬壽聖節百官慶賀都御史張問達南吏部尚書孫球太常少卿白瑜南吏科姜習孔江西道李希孔都給事薛鳳翔御史李養志各疏請宥官倪思輝朱欽相王心一以昭

聖度以弘壽域

套虜入犯延安

陝西按臣據布政司申報稱九月初三等田套虜搶犯合水縣襲劫日固原尤甚又據延安府事文達賊四萬八千二百二十日從黃古嶺過邊二十五日到安塞縣并千谷縣人民被殺盡搶掠領店房屋俱用火焚訖

十六日

二十六日至延安府。團田三日。將府學牌樓用火燒燬。初一日賊回。留說諾着撫院拿了杜德兵便罷。如不擊杜德兵。我們過年。三月間大兵徑上西安等情。于是遠近震動。商賈逃移。有謂賊入千谷驛。衣裝一如漢人。青衣絲帶。隨押包馬。騁入關中。作換馬狀。入殺殺人者。有謂甘泉一縣人民盡逃上山。止餘官員衙役在內死守者。有謂婦女擄去甚多。將延安一生員女用綳擄去者。有謂總兵官坐入轎。離賊甚遠。不敢近者。有謂叛弁馮大剛引領搶掠。稱說李永芳他古遠東。賊衝不能占陝西。明年定到三原涇陽。且到西安地方祭墳。首有謂賊牽來馬駝數萬。蒲葭驛歸前後剽劫。生畜人口不無遺落。我兵收得。捏報奪回者。又據膚施縣申稱。八月二十六日。達賊三萬餘騎。馬五萬餘匹。南至甘泉縣。麻子街東至延長縣。千谷驛。布滿本縣境地。本日于掠縣後。冲要熬子原。并北關文廟牌坊民房。盡行燒燬。四野搶掠。人口生畜踏踐田畝。不知其數。從來搶犯未有如此之甚者。自東方不靖。征調四出。全秦之境。無不騷動。而延鎮精銳。半出榆關。虜之生心。非一日矣。

兵科都給事蔡思克上言。自東夷未靖。西虜躁入。左支右

孫中皆至
大至其
乎

吾動輒露肘以貽

聖上宵旰之憂帑金三發嚴旨屢頒朝算可謂周詳

竟未有戮力衝鋒爲國家伸一憤此無他將無死綏之

志或真病而絀于展布或稱病而希求卸脫及今不亟議

處將來有不可收拾者以廣寧言之提督王威病矣奄奄

床褥誰爲提督雖有祁秉忠羅一貴劉徵黑雲鶴周守廉

高國貞等才智迥拔者固多而貪黷恇怯者不少聞有散

糧時每兩尅銀二錢致軍士枵腹不飽者有養健丁壯馬

留以自衛不肖令常鋒掠陣者有每兵一千虛冒二百折

銀入已以備公費者夫陋規且不能洗革況思其督率有

方奇正合乎行經撫查勘果病勢難支即亟議撫或就
遼中諸將推轂或另揀勇畧登壇王威仍令養病廣寧不
許入關以開規避之路此皆萬萬不容緩者顧合抱之材
始于拱把今之宿將寥寥矣樞部宜就科道諸臣前後薦
章存名者行取來京甄別去留以儲耑闕無若朱騰擢等
然取之數千里之外困頓之輦轂之下使後來者望薊門
而裹足也以延鎮言之杜文煥稱病矣套虜蹂入烽火達
于甘泉有言應援不速離職遠者有言邀殺零虜挑起有
言虜投設書不拏杜摠兵明春必肆侵掠者夫虜衆潰邊
深入不能堵截以殲其醜該摠何辭以解第大將而爲虜

所忌平日必非媚虜者若因設書而擠所忌則大將之去
留夷虜操之如國體何或曰文煥不拿則納款必不成
而陞必多事斯言是矣倘文煥拿而款仍不成或暫成而
仍不固不幾貽笑四夷乎況虜旣恨文煥內素仇文煥更
不當解兵以避難職同官郭允厚之疏曰職何忍以數行
文墨竟爲兩臣推出重担畧不爲地方眉睫計誠爲確論
則杜文煥者似宜量行畱治令即出料理抹馬勵兵務保
明春無事方可免議計部尤當將今年核餉盡數解發使
士馬騰飽無若茲秋直至虜圍延安始令倉皇以那借也
登萊之兵第使游防海上則一萬已爲多若使之會同發

取用銅炮
足見都諫
留心處

倬進薄南衛制奴舉則樞部之議添五萬計部之酌定三萬奉有明旨矣顧截撥既不能應而江淮之招兵報發僅滿萬閱兵之三千明春方可到即到亦不過一萬三千就三萬論猶少一萬七千道臣楊述程所募于楚蜀者尚屬風影則或勅令撫臣另募海濱之士或取辦于東土之留餉或找給于各部之接濟亟當議定俟有調發撫道即督兵海上若有逗留觀望始議其後未晚也職聞泰昌元年九月紅夷沉舟粵海陽江縣撈得銅鉋大小二十餘位詢之廣東舊按臣王命璿云所傳不虛但時已出境未及具題今原炮見在彼中宜着兩廣總督令習火器者演

放擇無炸裂者起運前來以備不虞仍選慣放之人三十名一併起送來京以便傳核蓋火炮一位費銅本工價不下千金豈以見在之器置而不用雖驛遞煩勞而制勝者大愈于募兵數萬也伏乞 勅下該部施行

贈黃輝馮有經俱禮部右侍郎送一子入監○贈陸可教石應岳南禮戶尚書廕一子

廕趙用賢一子入監○贈故輔王錫爵太傅廕尚寶司丞申飭計典慎咨訪杜私揭捐資格核卓異懲撻辨逮鄭之范于理追贓抵餉

廕南戶部侍郎孟養浩一子入監從南科臣徐憲卿請以

功在 國本故也

當

三十並封之議諫者皆得罪孟公獨奮然不顧焚香草

疏侃侃以三不可之說諫

皆下廷杖一百爲民骨斷而復續氣絕而復甦嗟哉允

皇祖震怒一番即轉念一番雖弃其身而終用其言致

主宅不驚

宗社晏如誰之力也方其家居慕之者擬爲必岸然一

激烈丈夫及就之以絕不談矜節或言

廷杖事輒引爲耻君子所以既高其功而又欽其德量

皇極門成

兵科都給事蔡思充言臣看臺臣梁之棟章奏爲湖兵聚

衆鬪殺事奉

聖旨。這調到湖兵毛兵。着作速督發聚闕。首禍的嚴查具奏正法。以後援兵到日。該部刻期督催前赴。各鎮有遷延觀望的。統領官一體叅來重處。欽此。大哉。

王言。真如嚴霜烈日。令起瘴者。逗遛者。膽落矣。顧遷延觀望。有過于統領湖兵之張景珍者乎。據臺臣疏。湖兵以本月初七日至州。稽遲旬餘。夫河西勢急焚溺。非援兵逍遙之時。通州密邇。京畿豈容兵久駐之地。旣工部之衣械銀業給散于初九。兵部之安家銀續到已三日。景珍何所待而驅之不前。扎兵都外。例免見。

朝。景珍又何所爲而淹留。都下則營求加銜無詞以解。

也。向使景珍非人。京黃緣銀散即發。則毛兵尚且未至。形影既不相及。酒肆何從起釁。是湘兵之帶傷。毛兵之殞命。田景坤固爲戎首。張景珍實爲禍始。今景坤難免議辟。則景珍安容輕遣。臣因是而有感乎加銜之當慎。賞給之當早也。出關之將領。例得加銜。蓋藉以鼓勇往之氣。非以開徼倖之門。以通州咫尺近地。援兵過續接踵。使統領武弁。人人皆守候以待加銜。日久則耽曠多端。人多而物價倍貴。恐來日釀禍不止。今日況彼旣以營求來。則役必以鑒空應。無乃股軍糈以飽奸人之腹乎。宜著爲令。一切援遼將士。有約束嚴明沿途勿擾。如限抵關者。度關之日。兵

部即具請加銜。違是而干澤者，罰無赦。要使部復因其才，毋使奸佞操其柄。甄別奏上，誰不望榆關而踴躍，庶觀望之弊可消也。人情稍有藉口，輒生推避。湖兵之藉以爲詞者，兵部發銀也。通州距都門不一舍，有何跋涉而給發獨遲。今川湖之兵漸次前來，樞部應將賞給銀兩專官解至山海各兵隨到隨領，懸賞在列。孰肯住足于通薊，庶督催之令申也。臣草疏將完，接河南義兵把總羅英等呈內稱途中飲食甚貴，口糧不敷。目下天氣嚴寒，裂膚墮指，況皆不教之民，未經訓練，求閱視一番操演，數日倍道出關。夫若輩旣慕義而同仇，更當施恩而鼓舞，合于各兵至

部差官閱視、加以賞勞、俾安插關上、暫咨督臣王象乾訓練、俟其喘息少定、練習稍熟、而後赴敵、豈惟三軍免露處之虞、且使當關壯虎豹之勢也、伏乞

皇上勅下兵部、將張景珍重加議處、如以曾經戰陣、可當一隊、姑令帶罪立功、以觀後效、至于加銜必慎、賞給以時、務著寔舉行、庶後來者有所懲、且有所勸、賈勇直前、以張捷伐、不難矣、

虜酋良定等犯甘肅鎮番等處、叅將王承恩率兵將拒之于麻山湖、斬獲甚衆、撫臣徐養量奏捷、

附蛇山考

附蛇山考

附蛇山考

附蛇山考

按蛇山界通閩浙在東海之中東即是小琉球日本等國直北即墨水大洋係小兒女直等國三面皆不毛之地正南乃福建漳州海澄等處西南即浙之台溫界過陳錢下入金雞舟山等島即寧波定海等處入南海而西即吳淞劉河崇明迤邐進江即狼山樵舍及江陰孟河計路程相距二千餘里其山週廻三百餘里前溪水可食可種植可殺又有崇明對海直東五日夜方到有一山亦名蛇山又曰全家山山上形如交椅寬廣不知里數四面悉峻嶺巨洋蛟蜃出沒惟東南一口可入山主姓王積三百餘家亦在山中自耕自食聞亦爲盜此在日本南相去約百餘里

兩朝從信錄卷之九